

discretis viris dominis Nicolao de Aldenburg decano, Johanne de Droynicz archidiacono Nisicensi, Friderico de Milticz praeposito collegiatae ecclesiae Wurczinensis Misnensis diocesis, canonicis ecclesiae Misnensis, Heinrico rectore capellae castri episcopalis Stolpin in Wygandistorf nec non Jacobo de Sommirueld in Wysenborne ecclesiarum plebanis praefatae Misnensis diocesis testibus ad praemissa vocatis specialiter et rogatis.

Signum notarii.

Et ego Johannes natus quondam Heinrici de Kothebus clericus Misnensis diocesis publicus imperiali auctoritate notarius praemissas imperiales litteras salvas sanas et integras omnique vitio et suspicione carentes non abollitas neque cancellatas per reverendum in Christo patrem ac dominum dominum Conradum episcopum Misnensem mihi coram praenominatis testibus exhibitas vidi tenui legi et perspexi easque ad requisitionem praelibati domini episcopi fideliter copiavi — ipsumque instrumentum manu propria scripsi signo quoque et nomine meis solitis consignavi, in fidem et testimonium evidens omnium praemissorum.

Nach dem Orig. im K. Haupt-Staatsarchiv zu Dresden, das in den ausgelassenen Stellen mit No. 632 genau übereinstimmt.

No. 634. 1373. 10. Nov.

B. Conrad übereignet als Schenkung unter den Lebenden mit Zustimmung des Capitels von verschiedenen durch ihn erworbenen oder neu angelegten Weinbergen bestimmte theils an die Geistlichkeit der Domkirche zu seinem Gedächtniss, theils an einige Kirchen der Diöces jährlich abzuliefernde Quantitäten Weins.

In nomine s. et ind. trin. amen. Quoniam teste etc. Nos igitur Conradus dei et apostolicae sedis gratia episcopus ecclesiae Misnensis — notum facimus tenore praesentium universis, quod cognoscentes instabilitatem conditionis humanae permanentisque et supernae patriae desiderio accensi, in remissionem nostrorum peccaminum ac animae nostrae salutem et quietem temporalium dispositione bonorum in celesti Jherusalem locum mansionis constituere et immarcessibilem nobis spiritualium mercedem procurare cupientes, de beneplacito capituli nostri Misnensis eiusque unanimi consensu ad faciendum nobis in ecclesia nostra Misnensi praedicta tam in vita quam in morte memoriale perhenne sex urnas¹⁾ vini in et de vineis quondam Ticzkonis, Rudigeri et Friczkonis fratrum dictorum Kundegin²⁾ nec non vinea dicta der Schrammenberg sitis in vinetis sive montibus Koczzebrode per nos ad mensam episcopalem et ad proprietatem ecclesiae nostrae praedictae comparatis et reductis³⁾ annis singulis per nos et⁴⁾ successores nostros episcopos Misnenses, qui pro tempore fuerint, perpetuo persolvendas, ecclesiae Misnensi praelibatae nomine veri et irrevocabilis testamenti damus liberaliter et donamus ad hunc finem, ita quod quamdiu sumus in hac vita annis singulis a praesenti anno incipiendo et sic deinceps in vigilia beati Martini episcopi et confessoris missa ‚Salus populi‘ pro nostra et vivorum omnium salute

1) In beiden Ausfertigungen befindet sich hier eine Rasur von 6—8 Sylben [vel quatuor tunnas?], die der Protonotar Johann Mekol selbst gemacht zu haben am Schlusse bemerkt. 2) kundigen B. 3) comparatas et reductas B. 4) ac B.